

BOSNA I HERCEGOVINA

Brčko distrikt BiH

SKUPŠTINA

BRČKO DISTRIKTA BiH



БОСНА И ХЕРЦЕГОВИНА

Брчко дистрикт БиХ

СКУПШТИНА

БРЧКО ДИСТРИКТА БиХ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 2/10), Skupština Brčko distrikta Bosne i Hercegovine na I. nastavku 56. redovne sjednice održanom 4. decembra 2019. godine, usvaja

ZAKON

O IZMJENAMA I DOPUNI ZAKONA O ZABRANI PUŠENJA I DRUGIH OBLIKA UPOTREBE DUHANA I DUHANSKIH PROIZVODA NA JAVNIM MJESTIMA U BRČKO DISTRIKTU BOSNE I HERCEGOVINE

Član 1

U Zakonu o zabrani pušenja i drugih oblika upotrebe duhana i duhanskih proizvoda na javnim mjestima u Brčko distriktu Bosne i Hercegovine (Službeni glasnik Brčko distrikta Bosne i Hercegovine, broj 53/17), kroz cijeli tekst zakona riječ: "BiH" zamjenjuje se riječima: "Bosne i Hercegovine".

Član 2

U članu 1 stavu 1 iza riječi: "proizvoda" dodaje se interpunkcijski znak zarez i riječi: "nargila,".

Član 3

Član 2 mijenja se i glasi:

„Član 2 (Javno mjesto)

Javno mjesto, u smislu ovog zakona je svaki zatvoreni prostor koji je javno dostupan, namijenjen za pružanje usluga za javnost i obavljanje poslovne djelatnosti, uključujući a ne ograničavajući se na:

- a) organe javne uprave Brčko distrikta Bosne i Hercegovine, kao i državne i entitetske organe na teritoriji Brčko distrikta Bosne i Hercegovine, javne institucije, javna preduzeća, javne ustanove i zavode;
- b) vaspitno-obrazovne ustanove;
- c) ustanove za smještaj i boravak, djece, učenika i studenata;
- d) zdravstvene ustanove;
- e) ustanove kulture kao što su pozorište, kino, dom kulture i slično;
- f) sportske dvorane i druge slične objekte;
- g) mjesta na kojima se proizvodi, prodaje ili poslužuje hrana ili piće;

- h) sredstva javnog prijevoza kojima se obavlja prijevoz lica, službena vozila za prijevoz lica i stvari;
- i) radna mjesta u pravnim licima i druga mjesta gdje se obavlja poslovna djelatnost;
- j) mjesta privremeno dostupna javnosti;
- k) ostala radna mjesta kao što su banka, pošta, prodavnica, tržni centar, tržnica i slično;
- l) druge pripadajuće zatvorene prostore kao što su hodnik, lift, stepenište, predvorje, zajedničke prostorije, toalet, čekaonica, kantina, pomoćni objekt, magacin, garaža i slično.“.

Član 4

U članu 6 stavu 1 riječi: "koja se sastoje od grafičkog znaka zabrane pušenja i teksta koji glasi: "Zabranjeno pušenje", kao i informacije o načinu prijavljivanja i sankcioniranju" zamjenjuju se riječima: "koja mora biti istaknuta na način i u veličini koji obezbjeđuje da postoji razumna vjerovatnoća da je lice u prostoriji vidi, a sastoji se od grafičkog znaka prekrižene cigarete i teksta "Zabranjeno pušenje" .

U stavu 2 riječi: "ne prodaje ili ne poslužuje hrana" zamjenjuju se riječima: "proizvodi, prodaje ili poslužuje isključivo piće".

Stav 5 mijenja se i glasi: „U slučaju da lice ne ispoštuje zabranu i nakon što vlasnik, odnosno korisnik prostora ili mjesta u kojem je pušenje zabranjeno, postupi po ovlaštenju iz stava 4 ovog člana, vlasnik odnosno korisnik prostora ili mjesta u kojem je pušenje zabranjeno, dužan je pismenim ili usmenim putem, kao i telefonskim pozivom obavijestiti Policiju Brčko distrikta Bosne i Hercegovine.“

Član 5

U članu 7 stav 2 mijenja se i glasi:

“(2) U posebno određenim prostorijama za pušenje iz stava 1 ovog člana mora biti obezbijedena funkcionalna prirodna ili vještačka ventilacija. Duhanskim dimom onečišćeni zrak iz prostora za pušenje ne smije prelaziti u druge prostorije namijenjene za nepušače.“.

U stavu 3 riječi: "Znakovi moraju sadržavati ili simbol u obliku cigarete ili izraz „Prostorija za pušenje“ " zamjenjuju se riječima: "Znak iz stava 1 ovog člana mora sadržavati simbol u obliku cigarete i izraz "Prostorija za pušenje" .

Iza stava 4 dodaje se novi stav 5 koji glasi:

“(5) U prostoriji iz stavova 1 i 2 ovog člana može se prodavati ili posluživati hrana ili piće“.

Dosadašnji stav 5 postaje stav 6.

Član 6

U članu 9 stavu 2 tačka c) mijenja se i glasi:

„c) naložiti otklanjanje nedostataka u posebnoj prostoriji za pušenje iz člana 7 stavova 1 i 2 ovog zakona;“.

Član 7

U članu 10 stavu 1 tačka b) mijenja se i glasi:

„b) odredi prostoriju za pušenje suprotno odredbama ovog zakona (član 7 ovog zakona).“.

Član 8

Ovaj zakon stupa na snagu osmog dana od dana objave u Službenom glasniku Brčko distrikta Bosne i Hercegovine.

Broj: 01-02-731/19

Brčko, 4. 12. 2019. godine

**PREDSJEDNIK
SKUPŠTINE BRČKO DISTRIKTA BiH**

Esed Kadrić